



DIOSAN LURATANAKAPA



DIOSAN LURÄWINAKAPAX BIBLIAN QILLQATAWA.
JICHHASTI UKA LURÄWINAKAPAT YATIÑÑANI:

TAQI KUNAN QALLTÄWIPANXA,
JANİRA PACHANAKAS CHIMPUTÄKÄN
UKKHAX DIOSAX UTJAPUNİNWA.

DIOSAW ALAXPACHA,
AKAPACHA LURÄNA.

DIOSASTI SÄNWA:
“QHANAX UTJPAN”
SASA. QHANASTI
USKPACHAW UTJXÄNA.

DIOSAW QHANXA CH’AMAKAT
JALJTAYÄNA, UKHAMAT
ARUMAMPI URUMPIX UTJI.
UKHAMAW NAYRİR URUX
PHUQHASİNA.

UQHARUSTI DIOSAX UMANAK JALJTAYİR
LURÄNA, MÄ CHIKAT UMAX
ALAYANKAÑAPATAKI, UKARUSTI
“ALAXPACHA” SUTIMPIW UCHÄNA.

UKHAMAW
PAYİR URUX
PHUQHASİNA.



DIOSAX SÄNWA:
“ALAXPACHAT AYNACHANKKI
UKA UMANAKAX MAYAWJAR
TANTACHT’ASPAÑ, UKHAMAT
WAÑAX UÑSTAÑAPATAKI”
SASA.

DIOSASTI WAÑARUX “URAQI” SUTIMPIW
UCHÄNA, TANTACHAT UMANAKARUSTI
“LAMAR QUTA” SUTIMPIRAKI.

DIOSAN ARSUTAPAX PHUQHASİNWA,
URAQINXA KUNAYMAN ALINAKAW
JILTÄNA: JATHANAK CHURIR
ALINAKA, UKHAMARAK ACHUNAK
CHURIR QUQANAKASA.

UKHAMAW KIMSİR URUX
PHUQHASİNA.



PUSİR URUNSTI DIOSAX SARAKİNWA:
“URUMPI ARUMAMPI YAQHACHAÑATAKIXA,
ALAXPACHAN QHANIRINAKAX UTJPAÑ,
UKA QHANIRINAKAX PACHANAKAMPI,
URUNAKAMPI, MARANAKAMPI
CHIMPJAÑAPATAKI, UKHAMARAKI AKA
URAQIR QHANT’ANIÑAPATAKI”


UKHAMWA DIOSAX
PUSİR URUNXA
ALAXPACHAN UTJIR
LUPIMPI, PHAXSIMPI,
WARAWARANAKAMP
KUN LURÄNA.



PHISQİR URUNSTI DIOSAX SĀNWA:
“KUNAYMAN JAKKIR ANIMALANAKAMP
UMANAKAX PHUQHANTATĀPAN”
ALAYANAKANSTI JAMACH’INAKARAK
TUYNAPXPAN” SASA.


DIOSASTI LAMAR QUTAN JAKIR
WALI JACH’A ANIMALANAK
LURĀNA, UMAN JAKIR KUNAYMAN
LAQ’UNAKAMPI; UKATSTI
ALAYANJAM TUYNAPQIR KUNAYMAN
JAMACH’INAK LURARAKĪNA.

DIOSASTI UKA LURATANAKAPARUX
QULLANAŇCHĀNWA SASINA: “QUTANAKAR
PHUQHANTAŇKAM MIRANTAPXAM; AKA URAQIN
JAMACH’INAKAX JILARKIR MIRANTAPXAM” SASA.



SUXTĪR URUNSTI DIOSAX SĀNWA:“AKA
URAQIN KUNAYMAN ANIMALANAK
UTJPAN: UYWAŇ ANIMALANAKA,
PAMPANKIR ANIMALANAKA, URAQINJAM
4 QATATNAQTĪR ANIMALANAKA” SASA.

DIOSASTI SUXTĪR
URUNXA, URAQIN
UTJIR ANIMALANAK
LURĀNA.



UKA PACHPA
URUNWA DIOSAX
URAQI LAQ'AT YAQHA
JAKKIR LURÄNA.


DIOSAX URAQI
LAQ'AT LURATARUX
JAKAÑ SAMANA
PHUST'ÄNA,
UKHAMAT UKA
LURATAPAX
JAKAÑANIXÄNA.

DIOSAX UKA MACHAQ
LURATAPARUX "CHACHA"
SÄNWA, UKATSTI "ADÄN"
SUTIMPIW SUTICARAKİNA.

DIOSASTI LURATANAKAP UÑJASAX SÄNWA:
"TAQI KUNAS WALI SUMAWA" SASA.

DIOSAW JAQIRUX MÄ SUMA URAQI CHURÄNA
"EDÉN" SUTINI, PANQARANAKANI UYUR UÑTATA.

DIOSAX JAQIR
LURANANAKAP
UÑACHAYÄNA,
UKA SUMA URAQI
WALI SUM
UÑJAÑAPATAKI.



DIOSAX UKA SUMA URAQI
TAYPIRUX JAKAÑ QUQA
AYRUNTÄNA, UKASTI WIÑAY
JAKAÑ CHURIRI QUQÄNWA.
UKATSTI YAQHA QUQARAKI
AYRUNTÄNA ASKIMPI,
ÑANQHAMPI YATIÑ CHURIR
QUQA.

DIOSAX SUM
CHACHARUX
IWXT'ÄNA: "AKA
CHIQAN UTJIR TAQI
QUQANAKAN
ACHUPAT
MANQ'ASİTA.

UKAMPIS ASKIMPI, ÑANQHAMPI
YATIÑ CHURIR QUQAT JANIW
MANQ'ÄTATI. UKA QUQAN ACHUPAT
MANQ'ÄT UKASTI, CHIQPACHAN
JIWÄTA" SASA.




DIOSAX ADANARUW UÑACHAYÄNA,
URAQIN UTJIR ANIMALANAKAMPI,
ALAYAN TUYN AQIR JAMACH'INAKAMPI,
UKANAKAR SUTINCHAÑAPATAKI.



DIOSAN IRNUQAT NAYRİR
JAQIXA, JUPA JAK'AN
KUSISITAW JAKAŞİNA.

UKAMPIS DIOSAX
SÄNWA: "JANIW
WALİKITI JAQIN
SAPAKİÑAPAXA"
SASA.

UKATSTI ADANARUX
IKJAYÄNWA, IKIÑAPKAMASTI,
DIOSAX JARAPHINAKAPAT
MAYA APSÜNA.



UKA JARAPHIT DIOSAX
MÄ WARMİ LURÄNA.

UKATSTI DIOSAX CHACHARUW
WARMİR UÑSTAYÄNA.

ADANASTI UKKHA SUMA
WARMIPARUX "EVA" SUTIMPIW
UCHÄNA. TAQİ JAQINAKAN
TAYKAPAT UÑT'ATA.

ADANAMPI, EVAMPIX UKA SUMA URAQIN
WALI K'UCHIKIW JAKASİPXÄNA.

UKAMPIS YAQHA JAN WALI AJAYUW UTJÄNA,
JANIW MUNKÄNTI JAQINAKAX DIOSAN
JAK'APAN KUSISIT JAKASIPXAÑAPXA.

UKA AJAYUSTI LUCIFER SUPAYÄNWA;
JUPASTI DIOS CONTRAW SAYT'ASITAYNA
UKAT ALAXPACHAT JAQSUYASITAYNA.

UKA SUPAYASTI WALI SALLQÄNWA,
ASIRUR UÑTASITAW ADANAMPIR
EVAMPIR PARLXÄYÄNA.

—¿CHIQATI DIOSAX
SAPXTAM: “JANIW
KUNA QUQAN ACHUNAKAPSA
MANQ'APXÄTATI”
SASA?

AKA
CHIQAN UTJIR TAQI
QUQANAKAN ACHUPAT
MANQ'ASIPKIRISTWA,
UKAMPIS CHIKA
TAYPINKKI UKA QUQAN
ACHUNAKAPAT JANIW
MANQ'APKIRISTTI.

UKA QUQTIX
LLAMKT'APXÄXA,
JIWAPXIRISTWA.


JANIW JIWAPKÄTATI,
DIOSAX YATIWA, UKA
QUQAN ACHUNAKAPAT
MANQ'APXASMA UKKHAXA,
KUNATIX ASKIKI, KUNATIX
ÑANQHÄKI UKANAK
YATIPXASMAXA,
DIOSJAMÄPXASMAWA.

CHACHAMPI WARMIMPISTI
KAWKİR QUQATTIX JAN
MANQ'APXAÑAPÄKÄNA UKAN
ACHUP MANQ'ANTAPXÄNA.



JUPANAKAN JAN
IST'ASIRĪPXATAP LAYKUW
JUCHAX AKAPACHAN
UTJAWAYI; NAYRANAKAPAX
JIST'ARTĀNWA, PANPACHANIW
Q'ALALĀSIPKATAP
AMUYASIPXĀNA, UKAT
AXSARAYASIPXĀNWA.

JUCHAX AKAPACHAR
MANTAKCHĪNA UKASA,
DIOSAX QHISPIYĀWI
WAKICHARAKI.



LIP'ICHINAKAT
ISINAK LURI UKAMPI
JUCHANAKAPSA
IMT'ASIPXĀNĀPATAKI.
ADANAMPIR
EVAMPIRUSTI
SUMA URAQIT
JAQUNUKURAKĪNWA.

UKAMPIS DIOSAX,
SUPAYAR T'UNJIRI MĀ
QHISPIYIRIN
JUTAÑAPXAT ARSŪNA.



WARMIMPI JUMAMPISTI
WIÑAYAW TIMASIPXĀTA;
WAWANAKAMAMPI, JUPAN
WAWANAKAMPIS
TIMASIPXARAKINIWA.

WARMIN
WAWAPASTI P'IQIT
TAKXATĀTAM, JUMASTI
KAYU WINTUT
ACHJARAKĪTA.



DIOSAX MĀ ANGELARUW UCHĀNA, EDÉN SUMA
URAQIN MANTAÑAPAWJARU, JAN KHITI JAQIS
JAKAÑ CHURIR QUQAR JAK'ACHASIÑAPATAKI.



JAQINAKAX AKA URAQIN
MIRANTÄNWA, JUCHANAK
LURAÑASTI JILARKIRİNWA,
KUNAYMAN JAN WALI ÑANQHANAK
LURAPXÄNA. UKASTI DIOSATAKIX
WALI LLAKISKAÑÄNWA.



UKAT AKA URAQIN UTJIR TAQI
JAQINAKAR TUKJAÑ AMTÄNA,
WALI CH'AMAN JALLU APAYANISA.

UKAMPIS MÄ CHACHAW UTJÄNA DIOS
NAYRAQATAN ASKIN SARNAQIRI,
JUPASTI NOÉ TATÄNWA, JUPARUW
DIOSAX MÄ JACH'A ARCA LURAYÄNA.



DIOSAX PAYAT PAYATWA
ANIMALANAKXA ARCAR MANTAYÄNA,
NOÉ TATAX MANTARAKİNWA.

DIOSAX MÄ JACH'A JALLU URAQXAR
PURXATAYÄNA, UKATSTI ARCAR JAN
MANTIRINAKAXA, JAQINAKASA,
ANIMALANAKASA, TAQIW JIWARAPXÄNA.



DIOSAX KUNAYMAN
ANIMALANAKAT QACHUNI,
URQUNI QHISPIYÄNA,
UKHAMARAKI NOÉ TATAMPIRU,
WILA MASINAKAMPIRU.

UKAPACHAW DIOSAX NOÉ
TATAMPIRU, WILA MASINAKAMPIRUX SÄNA:
“JICHHAX WALJA WAWAKANİPXAM, AKA
URAQIRUSTI PHUQHANTAPXAM” SASA.

UKA WILA
MASINAKATWA,
TAQI MARKANAKAX
UTJAWAYI.

UKAMPISA,
WASITATWA
JAQINAKAX DIOSAR
JAN IST'ASIN
SARNAQAPXÄNA.



DIOSAX JAQINAKAR SĀNWA
MIRANTASIN AKA URAQI
PHUQHANTAPXAÑAPATAKI.
UKAMPIS UKA JAQINAKAX
JANIW DIOSAN ARSUTAPAR
JAYSAPKĀNTI.

DIOSAN ARSUTAPARJAM
URAQPACHAN
SARATATKAMAYAXA,
BABILONIA QHIRWA
URAQINAKAN QHIPARAPXĀNA.



DIOSAR JAYSĀÑ LANTIX,
MĀ WALI JACH'A TORRE LURĀÑ
QALLTAPXĀNA, TAQININSA
JACH'AT UÑT'ATĀÑATAKI.

“JANIW JIWASAR APNAQIR
DIOSAX WAKISKITI, MĀ JACH'A
MARKA AKAWJAR SAYT'AYĀÑĀNI,
TORREPAS ALAXPACHAR
PURKIRI”.

JUPANAKAN MĀ JILĪRI IRPIPIPAW
UTJĀNA, NIMROD SUTINI, UKA
JAQIW MARKACHIRINAKAR JAN
WAL AMTAYĀNA.



UKAMPIS DIOSAW BABEL
TORRE UÑJIRI SARAQANĪNA,
UKATSTI UKA JAQINAKAN
PARLANAKAPSA
MAYJT'AYĀNWA.



MĀ SAPA LAXRA ARU PARLAÑAT SIPANXA,
JICHHAX KUNAYMAN LAXRA ARUNAKAT
SAPA MAYNIS PARLĀNA; KHITINAKATIX
PACHPA LAXRA ARUT PARLAPKĀNA
UKANAKAX CHIKT'ATAW YAQHAWJANAKAR
SARAÑ QALLTAPXĀNA.



DIOSAX JAQINAKAR JUCHA LURAÑANAKAT
QHISPIYAÑ AMTÄNA, UKATAKISTI MÄ
CHACHARUW AJLLİNA ABRAHAM SUTINI.
JUPARUSTI DIOSAX ARSÜNWA:

“NAYAX JUMAR MÄ JACH'A
MARKARUW TUKUYÄMA”.

DIOSAW ABRAHAMAR
ARSÜNA, WAWANAKAPAX
ALAXPACHAN UTJIR
WARAWARANAKJAMÄÑAPATAKI.

ABRAHAMAN SARAQIRINAKAPAT MAYNIW,
MÄ QHIPÜRÜN TAQI AKAPACHANKIR
JAQINAKAN JUCHANAKAP LAYKU,
JAKAÑAP APT'ASIÑAPÄNA.



KUNAPACHATIX ABRAHAM
TATAK PATAK MARANİXÄNA
UKKHAW WAWAPAX YURİNA,
DIOSAN ARSUTAPARJAMA.

UKAMPIS DIOSAX
ABRAHAMAN
IYAWSAÑAP YANT'ÄNWA.

“WAWAMAR IRPASIN
MÄ NAKT'AYAT WAXT'ÄWI
LUQTÄTA”.

ABRAHAMASTI JAYSÄNWA, DIOSAX JIWATAT
WAWAPAR JAKTAYCHINI SAS AMUYASINA.

ABRAHAMAX WAWAPAR NIY
KHARINUKUÑAMPIXÄNA
UKKHAW.....

“¡ABRAHAM! ¡ABRAHAM!
JAN KUNA ÑANQHSÄ WAWAR
LURAMTI”



ABRAHAMASTI UÑATATASISINXA, MÄ URQU
OVEJA UÑJÄNA ALINAK TAYPIN WAXRANAKAT
ACHUNTATÄSKIRI; TATITUR LUQTAÑATAKIS
WAKISKIRIRAKI.



“JICHHAX AXSARAÑ
CHUYMAMPI NAYAR IYAWSATAM
YATTWA, JANIW SAPA YUQALL
WAWAM NAYAR LUQTAÑ
PÄCHASKATATI”

ABRAHAMAMPI YUQAPAMPISTI
DIOSAX WAKICHKATAYNA UKA
WAXT'ÄWI LUQTAPXÄNA.



DIOSAN ARSUTAPARJAMASTI
ABRAHAMAN WAWANAKAPAX
WALJANIŊWA.

UKA URUNAKANSTI MANQ'AT
T'AQHISIŊAW UKSA
URAQINAKAN UTJĀNA, UKAT
ABRAHAMAX TAQI WILA
MASINAKAPAMPI EGIPTO
MARKAR SĀRXĀNA, UKA
URAQINSTI WAWANAKAPAX
JUK'AMPIW JILXATĀNA.

EGIPTO MARKANXA, WALPUN
T'AQHISIPXĀNA, MARKA APNAQIR
JILĪR MALLKUX UŊISIŊAMPIW
TAQI JUPANAKAR UŊJĀNA.



UKAMPISA, DIOSAX JACH'A
KHUYAPAYASIŊAPANWA,
MOISÉS CHACHAR AJLLĪNA,
WAWANAKAPAR EGIPTO
MARKAT IRPSXAŊAPATAKI.

DIOSAX KUNAYMAN MUSPHARKAŊANAK
LURĀNA, TAQI CH'AMANĪTAP
UŊACHT'AYARAKĪNA. MARKAPAX JANIW
SAPAKĪKĀNTI, JAN UKASTI JUPAW
IRPASKĀNA, KAWKĪR SUMA URAQTIX
ABRAHAMAR CHURANĊ ARSKATAYNA UKA
URAQIR KUTTXAPXAŊAPATAKI.



“JANIW JUMAX NAYAT SIPAN
YAQHA DIOSANAK UCHASĪTATI”

“JANIW JIWAYĀTATI”

“JANIW YAQHA DIOSANAK
UŊTAT LURASĪTATI”

“JANIW LUNTHASĪTATI”

“JANIW TATIT DIOSAMAN SUTIP
INAMAYATAK AYTASĪTATI”

“JANIW WACHUQ JUCHA
LURĀTATI”

“SAMARAŊ URUT AMTASĪTA,
DIOSAR JACH'AŊCHAŊATAKI”

“JANIW JAQI MASIMATAK KUNA
K'ARI ARUNAKSA PARLĀTATI”

“AWKIMARU,
TAYKAMAR WAQAYCHAM”

“JANIW JAQI MASIMANKIR UTAP
MUNAPAYĀTATI”

DIOSAX TUNKA KAMACHINAK
MARKAPAR CHURĀNA, UKHAMARAKI
YAQHA KAMACHINAKAMPI, TAQINIS
UKARJAM JUPANAK PURA MĀ SUMAN
JAKASIPXAŊAPATAKI, DIOSARUS
MUNASIŊAMPI UŊJAPXAŊAPATAKIRAKI.

DIOSAX JUPANAKAR
UŊACHT'AYARAKĪNWA KUNJĀMTIX
YUPAYCHĀWINAKAMPI, JUCHANAKAT
PAMPACHĀWI WAXT'ĀWINAKAMPIT
CHIQAPAR LURAPXAŊAPĀKI UKA
SARĀWINAKATA.



DIOSAX KAWKĪR SUMA
URAQTIX ABRAHAMAR CHURĀN
ARSKATAYNA UKA URAQIRUW
KUTTAYXĀNA.

DIOSAX KUNAYMAN
MUSPHARKAÑANAK LURĀNA
TAQĪ CH'AMANĪTAP LAYKU,
UKAMPISA MARKAPAX QAWQHA
KUTI UKANAK UÑJKASASA, JANIW
KAMACHINAKAPAR JAYSKĀNTI.



K'ARI DIOSANAKARUW
YUPAYCHAPXĀNA, KUNAYMAN JAN
WALI JUCHANAK LURAPXARAKĪNA.

WALJA MARANAKAW UKHAM
JAN WALIN SARNAQAPXĀNA.


DIOSAX MOISÉS TUQIW
MARKAPAR ASKI
KAMACHINAK CHURĀNA,
UKAMPISA, WALJANIW
UKA KAMACHINAKAR JAN
YĀQAÑ MUNAPKĀNTI.



YAQHIPA REYINAKAPAX DIOSAR
MUNASIÑ CHUYMAMPIW
UÑJAPXĀNA, DIOSAN IRPATAW
SARNAQAPXARAKĪNA...



...JACH'A TANSĀ JAQINAK
JIWAYAPXĀNA.




YAQHIPA REYINAKAPASTI K'ARI
DIOSANAKARUW YUPAYCHAPXĀNA,
MARKACHIRINAKARUSTI UKA JAN
WALI LURĀWINAKARUW
IRPAPXARAKĪNA.

DIOSAX MARKAPAR
MUNASIÑWA, UKATWA
PROFETANAKSA
JUPANAKAR KHITANIÑA.


PROFETANAKAX DIOSAN KHITANIT
JAQINAKĀÑWA. MARKACHIRINAKAX JAN
WALI JUCHANAKAN SARNAQASIPKĀNA,
DIOSASTI PROFETANAK TUQIW
PARLĀNA, JAN WALI AMUYUNAKAPAT
KUTIKIPSTAPXAÑAPATAKI.



DIOSAX AKAPACHAR QHANSTAÑATAKI
MARKAP AJLLISİNA, UKA MARKASTI,
JANIW PROFETANAKAR IST'KÄNTI,
QAWQHA KUTIW MARKAR
PARLAPXAÑAPATAKIX KHITANİNA.



MÄ URUSTI, DIOSAX MÄ WALI
QHURU REY KHITANİNA,
SOLDADONAKAMPPI CHIKT'ATA;
SUMA LURAT MARKA Q'AL
T'UNJAÑATAKI, TATITUR
YUPAYCHAÑ SUMA UTAPSA Q'AL
TUKJAÑATAKI.



PAQALLQ TUNKA MARAW DIOSAN AJLLIT
MARKAPAX YAQHA URAQIN T'AQHISIYATA
JAKAPXÄNA; DIOSAN KAMACHINAKAP JAN
PHUQHAÑ MUNAPXATAP LAYKU.



UKAMPISA, DIOSAX ARSUTAPARJAMAW
MUNASIÑAPAN MARKAPAR IRPASINXÄNA,
PACHPA URAQIPARU, PAQALLQ TUNKA
MARA QHIPATA.

UKA MARANAKANSTI, DIOSAX WASITAT
PROFETANAKAPAR KHITANİNA,
UKHAMARAKI YATICHIRINAKAPARUSA,
JUPANAKAX SUMA JAKAÑXAT TAQI
MARKAPAR YATIYAPXAÑAPATAKI.



TAQI UKA URUNAK QHIPATSTI NIYA
PUSI PATAK MARANAKANXA, JANIW
KUNAS DIOSAN AJLLIT MARKAPAT
IST'ASKXÄNTI, UKA PACHANSTI
DIOSAX JANIW PROFETANAKAP
JUK'AMPSA KHITANKXÄNTI.




UKA PUSI PATAK MARANAKANWA ALEJANDRO
MAGNO JACH'A JIL'RIX GRIEGONAKAR
APNAQÄNA, MEDIO ORIENTE UKSA URAQINAK
KATUNTASINA. UKA URAQINAKANWA DIOSAN
MARKAPAX JAKÄNA.



UKA QHIPATSTI ROMANO JIL'IRINAKAW MARKA
KATUNTASIPXARAKİNA, EJERCITONAKAPASTI
CH'AMAMPIW GRIEGO, ISRAEL MARKACHIRINAKAR
ATIPJAPXÄNA; UKATSTI YAQHA JACH'A MARKANAKAMPI
ROMANONAKAX KATUNTASIPXARAKİNA.

UKHAM CH'AXWANAK
URUNAKANWA.....

DIOSAX MARKAP LAYKUW
MÄ QHISPIYIR AKAPACHAR
KHITANİNA...



UKA QHISPIYIRISTI WILAP
WARTASIN T'AQHISIÑAPÄNWA, JANIW
KUNJÄMATIX JAQINAKAX JUCHANAKAP
PAMPACHAYASIÑATAKIX MÄ CABRITONA,
JAN UKAX URQU VACAN WILANCHA
LUQTAÑ YATIPKÄNA UKHAMA, JAN UKASTI
UKAT SIPAN JUK'AMPI.

UKAPİ DIOSAN
T'AQHISIWIPAXA, QULLAN
T'AQHISIWI, AKAPACH
JAQINAKAN JUCHANAKAP
PAMPACHAÑATAKI.

DIOSAX JANIW MARKAPAT
ARMASKÄNTI.

QALLTATPACHA, NAYRİR CHACHASA,
NAYRİR WARMISA, TAQINIWA JAQINAKAX
JAN WALINAK LURAPXĀNA, JUCHANAKAN
PHUQHANTATA.



UKATPĪ DIOSAX MARKAP LAYKU
T'AQHSIRIRU KHITANIŅAPĀNXA,
ASKI Q'UMA JAN AKCH'A JUCHANI.

MĀ ASKI JAQI, Q'UMA JAN
JUCHACHASIRI TAQI KUNAT
SIPAN ASKIPUNI.



DIOSAN QHISPIYIRIRU AKA URAQIR
KHITANITAPAX WALI MUSPHARKAYAWA.

UKHAMA PHUQHASIŅAPATAKISTI,
DIOSAX MĀ TAWAQURUW AJLLĪNA,
UKA TAWAQUSTI JANIW CHACHA
UŅT'KĀNTI, JUPAT YURIRI WAWAX
QULLANA Q'UMĀŅAPATAKI.

DIOSAN QULLAN AJAYUPAW
MARĪĀ TAWAQUR PHUQT'ĀNA,
UKAT USURJAQIPTĀNA.



NAYAX TATITUN
SIRVIRIPĀTWA,
ARUNAKAMARJAM NAYAMPI
PHUQHASPAN.

ANGELANAKAW UKA
WAWAN YURITAP
YATIYAPXĀNA.

"¡DIOSAX
ALAXPACHAN
JACH'AŅCHATĀPAN. AKA
URAQINSTI SUMANKAŅAX
UTJPAN DIOSAN
KHUYAPAYAT JAQINAK
TAYPINA!"




DIOSAX JESÚS
SUTIMPIW WAWAPAR
SUTINCHĀNA.



JESUSAX MĀ ASKI WAWĀNWA, JUPASTI
KAMACHI YATICHIR JILĪRINAKARUSA WALI
AMUYT'AMPIW YATICHĀNA.



DIOSAN ARSUTAPARJAMAW
JESUSAX BAUTISMO
KATUQĀNA, UKHAMAT TAQI
LURĀWINAKAP AKA URAQIN
PHUQHASA. JAQINAKARUSTI
DIOSAN JACH'A CH'AMAPAT
YATİYĀNA, UKHAMARAKI
JAQINAKAN JUCHANAKAP
LAYKU T'AQHISIR JUTATAPAT
YATİYARAKĪNA.



SUPAYAX WASITAT UŅSTANĪNA,
KUNJĀMATIX ADANAMPIR
EVAMPIR SALLQANTKĀNA,
DIOSAR JAN IST'APXAŅAPATAKI,
JUCHAN SARNAQASIN
JAKAPXAŅAPATAKI, UKA
PACHPA LURAŅATAKI.

NAYAX TAQI
AKAPACH MARKANAKAN
MUNAŅANIŅAPAMPI,
JACH'A KANKAŅAPAMP
CHURĀMA. JUMATIX
NAYAR YUPAYCHITĀTA
UKAXA.

TATIT DIOSAMARUW
YUPAYCHĀTA, JUPA
SAPARUKIW ARKĀTA.



JESUSAX TAQINIRUW
YATICHĀNA, CHACHANAKARU,
WARMINAKARU, YUQALL
WAWANAKARU, IMILL
WAWANAKARU; KUNJĀMTIX
DIOSAX JUPANAKAN
JAKAPXAŅAP MUNKI UKA
YATICHĀWINAKXATA.

KUSISIŅANĪPXIW
KHUYAPAYASIRINAKAXA,
DIOSASTI JUPANAKARUX
KHUYAPAYARAKINIWA.

KUSISIŅANĪPXIW
Q'UMA CHUYMANINAKAXA,
JUPANAKAX DIOSARUW
UŅJAPXANI.

KUSISIŅANĪPXIW
SUMANKAŅ UTJAŅAPATAK
CH'AMACHIRINAKAXA,
JUPANAKAX DIOSAN
WAWANAKAPA
SATĀPXANIWA.

JESUSAX AKA URAQINKASINXA,
JAQINAKARUX DIOSAR ARKAÑXATA,
JAQI MASIR MUNASIÑXAT QHANANCHÄNA.

QHANAK SAPXSMA,
JUMANAKATIX AKA JAN YÄQAT
JILA MASINAKAXAR UKANAK
LURAPXTAXA, NAYARUW
LURASIPKISTA.

NAYARU
UÑJAPXCHISTAXA,
AWKIRUW UÑJAPXTAXA.

DIOSAN TAQI CH'AMANITAPATSA QHANANCHARAKINWA.

WALJA JAQINAKARUW
MANQ'AYÄNA.

USUTANAKARUW
K'UMARAPTAYÄNA.

UMA PATANJAM SARNAQÄNA.


AY TATA!

JIWATANAKSA
JAKTAYÄNWA.

UKA
YUQALL WAWAX
JAKTXIWA...

¡DIOSAKIW UKA
MUSPHARKAÑANAK
LURASAPÄNA!

WAWANAKAR MUNASINWA,
QULLANANCHARAKINWA.



ALAXPACH MARKAT JAQINAKARUX YATIIYANA.

MANQHA PACHAT JAQINAKARUX
PARLAKINA.



¡LAZARORUY KHITANIM,
LUK'ANAPAMPIKIS MA
JUK'A UMA LAXRAXAR
JURICHT'ITPAN!


LAZAROR WILA
MASINAKAXAN UKAR
KHITAM.....

AKA T'AQHISIÑ
CHIQAWJAR JAN
JALT'ANIPXAÑAPATAKI.

ÑANQHA
AJAYUNAK
JAQINAKAT
ALISSUNA.



KUNAYMAN TUQITWA JESUSAX
JAQINAKAR QHANANCHANA,
JUPAX DIOSATAPATA.

A detailed illustration of Jesus Christ on the cross. He has a beard and long hair, and his body is muscular and pale. He is wearing a loincloth. His arms are outstretched, and his hands are bound to the cross with thick ropes. The background shows dark, silhouetted palm trees against a light sky.

SACERDOTENAKAN
JILĪRINAKAPASTI WAL
PHIÑASIPXĀNA, JESUSAN “NAYAX
DIOSAN YUQAPĀTWA” SATAP
LAYKU.

JESUSAX K'ARINTATA, JAN
CHIQAPAR TARIPATAW
JUCHAÑCHAT UÑJASĪNA.

JESUSARUX WAL JAWQ'JAPXĀNA,
NUWJAPXARAKĪNWA, UKATSTI
JAKKIRPACH MĀ CRUZARU
CH'AKKATAPXĀNA.


UKA CRUZAN JIWĀNA.

AWKIXAY,
AJAYUX
KATUQT'ASITA.

SACERDOTENAKAN JILĪRINAKAPA,
SUPAYA, ROMANONAKA, TAQINIW
JESUSARUX JIWAYAPXĀNA.

JESUSAR JIWAYASAX TAQI
YATICHĀWINAKAPAS TUKUSINIW
SAPXĀNWA, UKAMPIS JANIW
AMUYAPKĀNTI DIOSAN
AMTĀWINAKAPXA.

TAQINIS AMUYUNAKAPAN
WALI PANTJATĀPXĀNWA.

An illustration of an empty tomb. A large, white, heavy stone has been rolled away from the entrance of a dark, rocky tomb. The stone is lying on the ground in front of the tomb. The interior of the tomb is visible, showing a dark space. The background shows a rocky landscape with some sparse vegetation.

DIOSAN AMTĀWIPAW PHUQHASISKĀNA,
KAMISATIX QALLTĀWINA EDĒN SUMA
URAQINA UKKHATPACHA.

JAQIN DIOSAMPI SUMANKAÑAPATAKIX,
MĀ QHISPIYIR TUQIW UKA SUMANKAÑAX
UTJAWAYI, JAQINAKAN JUCHANAKAP
LAYKU T'AQHISIRAKI.

JESUSAW UKA ASKI, JAN KUNA
JUCHANI QHISPIYIRIXA.

JIWATANAK TAYPIT
JAKTASAW UK
UÑACHT'AWAYI.

JIWATAP QHIPATSTI, JESUSAX
ARKIRINAKAPARUW UÑSTÄNA.

JUPANAKARUSTI SUM IWXÄNA,
ARUNAKAPXAT YAQHA JAQINAKAR
YATİYAPXAÑAPATAKI, UKHAMARAKI
JAKÄWIPXATA, JIWÄWIPATA,
JIWATANAK TAYPIT JAKTATAPATSA.

TAQI AKAPACHANKIR
JAQINAKAR NAYAN
ARKIRINAKAX TUKUYAPXAM;
JUPANAKARUSTI DIOS AWKINA,
DIOS YUQANA, DIOS QULLAN
AJAYUN SUTIPAR BAUTISAPXAM.
TAQI KUNTIX NAYAX JUMANAKAR
YATICHAPKSMA UKANAK
PHUQHAÑ
YATICHAPXARAKIM.

NAYASTI SAPÜRUPUNIW
JUMANAKAMPIŞKÄ AKAPACHAN
TUKUSIÑAPKAMA.

TAQI KHITITIX
TATITUN SUTIP
JACH'AÑCHKANI UKASTI,
QHISPIYATÄNIWA.

¡NAYAX TATITUN
SUTIP JACH'AÑCHAÑ
MUNTA!

¡NAYAS
UKHAMARAKI!

¡JESÚS!

JESUSAX ALAXPACHARUW
MAKHATXÄNA, ARKIRINAKAPASTI
TAQI CHIQAN JESUSAN
ARUNAKAPAT PARLAPXÄNA,
WALJANIW IYAWSAPXARAKİNA.

JESUSAX WASITAT AKA URAQIR
KUTTANİ SÄNWA, TAQI KHITANAKATIX
JUPARU MUNASIN ARKAPKI UKANAK
LAYKU.

KUNAPACHATIX JESUSAX
KUTTANKANI UKKHAXA,
WASITAT SUMA URAQIN
JAKAÑAX UTJANI.

JIWASAN MUNAT JILA
KULLAKANAKASASA,
UYWANAKASASA, KUNA
MUNAT YÄNAKASASA,
UKANKANIWA.

MÄ MACHAQ
ALAXPACHAMPI,
MÄ MACHAQ
URAQIMPIW UTJANI.

AWKI TAYKA JAQINAKA,
WAYNANAKA, TAQI KHITINAKATIX
JESUSAR ARKAPKÄNA JUPANAKAX
WIÑAYATAKIW UKANKAPXANI.

¿JUMASTI
UKANKÄTATI?



NAYÄTWA THAKHIXA,
CHIQASA, JAKAÑASA.
NAYA TUQIKIW AWKIN
UKAR PURIÑAX UTJI.

KHITITIX
IYAWSASIN BAUTISMO
KATUQKANI JUPAXA,
QHISPIYATÄNIWA.

JAQIN YUQAPAX
AWKIPAN QHAPAQ
KANKAÑAPAN
ANGELANAKAPAMPI
JUTANI, UKAPACHASTI
SAPA MAYNIRUW
LURATAPATJAM
WAXT'ANI.

¿JESUSAR ARKASINXA DIOSAR UÑT'IRISTTI?

AKANAK PHUQHAÑAMAWA:

1

JESUSAR TAQI JAN WALI LURATANAKAM ARSUSIM,
JUPAR ARKAÑ MUNATAM YATIAM.

2

JESUSAR JUCHANAKAMAT PAMPACHAÑAP MAYT'ASIM,
“JAKAÑAXKAMAX JUMARUKIW ARKÄMA”, SASA.

3

JESUSAR TAQI CHUYMA YUSPAGARAM, JUMAR IST'ATAPATA.

4

SAPÜRUW BIBLIA ULLART'AÑAMAXA,
DIOSAT JUK'AMP YATIÑATAKI.

5

YAQHA MASINAKAMAR JESUSAN MUNASIÑAPAT PARLAÑ QALLTAM, INAS MÄ
QAWQHANIMPI TANTACHASISA, JESUSAT YATIÑ MUNIRI MASINAKAMPI.

